



Inatsisartunut ilaasortaq
Stine Egede, Inuit Ataqtigiit

**Meeqqat tusaaniarnermik isiginiarnermillu ajornartorsiuteqartut pillugit
apeqqut nr. 249-mut akissut**

05-08-2019
Sags nr. 2019-16690
Akt nr. 11294117

Asasara Stine Egede

Postboks 1160
Tlf: 34 50 00
Fax: 34 55 05
3900 Nuuk

Meeqqat tusaaniarnermik isiginiarnermillu ajornartorsiutillit pillugit Inatsisartut Suleriaasianni § 37, imm. 1 naapertorlugu apeqqutinik matuma kinguliani allassimasunik saqqummiussaqaqputit. Apeqqutitit uannit akineqartussanngorlugit innersuunneqaqput.

Email: pn@nanog.gl
www.naalakkersuisut.gl

**1) Naalakkersuisut ilisimavaat nunatsinni meeqqat qanoq amerlatigisut
tusaaniarnermikkut minnerusumik, annerusumilluunnit
ajornartorsiuteqarnerut?**

Akissut:

Meeqqat annertunerusumik annikinnerusumilluunniit tusaaniarnermikkut isiginiarnermikkullu ajornartorsiutillit aaqqissuussaasumik nalunaarsorneqartarnerat maannakkumut amigaataavoq. Tutsarlunnermulli ajornartorsiut nunanut allanut sanilliullugu annertunerusoq misissuinerit arlallit tamarmik takutippaat. Paasissutissiissutigineqarsinnaavoq Naalakkersuisut saqqummersitaminni: "*Inuit innarluutillit – inuit annertuumik innarluutillit qanoq amerlatiginerannik naatsorsuineq*" "Annertuumik innarluutillit ikiorserneqartarnerat pillugu Inatsisartut peqqussutaat" malillugu inuit tusaaniarnermikkut isiginiarnermikkullu innarluuteqarnertik pissutigalugu 2017-imi ikiorsiissutinik pissarsiaqartartut qanoq amerlatiginerat nalunaarsorpaat. Nalunaarsugarli inuit ukiui malillugit agguataarneqanngilaq. Nalunaarsugaq malillugu katillugit inuit 38-t (inersimasut meeqqallu) tusaaniarnermikkut innarluuteqarnertik pissutigalugu inatsisartut peqqussutaat malillugu ikiorsiissutinik pisartagaqarput.

**2) Naalakkersuisut ilisimavaat nunatsinni meeqqat qassit isiginiarnermikkut
ajornartorsiortuunersut?**

Akissut:

Una saqqummersitaq malillugu: "*Inuit innarluutillit – inuit annertuumik innarluutillit qanoq amerlatiginerannik naatsorsuineq*" 2017-imi katillugit inuit isiginiarnermikkut

innarluutillit 28-t (inersimasut meeqqallu) Inatsisartut peqqussutaat atuuttoq malillugu ikiorsiissutinik pisartagaqarput.

Aamma takuuk apeqqut 1-imut akissut.

3) Meeqqat inuusuttuaqqallu aaqqissuusaasumik siutip isillu nakorsaannit misissorneqartarpat? A. Qassinik ukiullit?

Akissut:

Isiginnaasamik tusaaniarnermillu misissuinerit immikkut ittut nakorsamut innersuussineq malillugu nakorsaanermit isumagineqartarput.

Meeqqat isiginiarnerannik tusaaniarnerannillu aaqqissuusaasumik misissuineq meeqqerisunit juumuunillu ingerlanneqartarput, taakku meeqqanik misissuinerminni meeqqat tusaaniarnerat isiginiarnerallu misissortarlugu. Ajornartorsiuteqartoqarneranik pasitsaassinermit nakorsamit annertunerusumik misissorneqarnissamut pisariaqassappallu allamut innersuussisoqartarpoq.

Meeqqat inoorlaat inunngornerisa kingunitsianngua ilaatigut tusaaniarnermik ajornartorsiuteqarnersut misissorneqartarput. Meeqqat alliarnerisa ingerlanerani pilersaarutaasumik misissuisarnernut atatillugu tusaaniarnerminnik ajornartorsiuteqarnersut misissorneqartarput. Meeqqat misissorneqarnerannut atatillugu taakku tusaaniarnermik ajornartorsiuteqarsinnaanersut paasineqarneranni meeqqap najukkami peqqissaaveqarfimmi siutaasa misissortinnissaat angajoqqaat akisussaaffigisarpaat.

Meeqqat isiginiarnerannik misissuinerit aallaaviatigut sisamanik-tallimanik ukioqalerneranni ingerlanneqartarput.

4) Kalaallit Nunaanni meeqqat qassit tusilartunnguittarpat inunnguuserinagu – ukiut kingullit tallimat?

Akissut:

Inunnguuseralugu tusilartuuneq meeqqap inunngornerani qularnaatsumik paasineqarsinnaanngilaq, taamaattumillu tusilarlutik inunngortut qanoq amerlatiginersut ilisimaneqarnani. Meeraq tusilartuuppat tamanna kingornagut meeqqerisunit, perorsaasunit angajoqqaanilluunniit aatsaat pasitsaanneqartarpoq.

Apeqqut 3-mut akissummi oqaatigineqartutut meeqqat inunngorlaat tusaaniarnermik ajornartorsiuteqarnersut paasiniarlugu tusaasaat misissorneqartarput. Pasitsaassisoqartillugu tusaaniarnerit pingasoriarluni misissoqqinneqartarput. Tusaaniarnerat suli ajornartorsiutaasoq paasineqarpat meeraq Nuummi Dronning Ingridip Napparsimmavissuani siutitut-qinngamut-toqqusaanut nakorsamut imaluunniit

Nuup avataani nakorsaanerit misissuiartorneranni misissorneqarnissamut innersuunneqartarpoq.

5) Meeqqat qassit ukiumut siutimikkut suliaritittarpat – ukiut kingullit tallimat?

Akissut:

Nuna tamakkerlugu meeqqat qasserpiaat tusaaniarnerminnik ajornartorsiuteqarlutik katsorsartissimansut § 37 naapertorlugu apeqqummi matumani killissaritinneqartup iluani tutsuiginartunik erseqqissunillu kisitsisinik Peqqinnissaqarfik ajoraluartumik paasissutissiisinnaangilaq.

Katsorsaaneq pillugu ataatsimut isigalugu paasissutissiisutigineqarsinnaavoq katsorsagassat amerlasuutut nalilerneqarsinnaasut – meeqqat inersimasullu – tusaaniarnerminnik ajornartorsiuteqarnerminni najukkami peqqissaaveqarfimmi misissorneqarlutillu iliuuseqarfigineqartartut. Peqqissaanermik suliallit immikkut misissuisoqarnissaanik pisariaqartitsisoqartoq nalilerpassuk misissugassaq Nuummi Dronning Ingridip Napparsimmavissuani siutini-qinngami-toqqusaami nappaatinut nakorsaanermi imaluunniit Nuup avataani nakorsaanerup misissuiartornissaanut atatillugu misissorneqartussatut innersuunneqartarput.

Tamatuma saniatigut tusilartut misissugassat Odense Universitetshospitalimi imaluunniit Rigshospitalimi nakorsaanernit misissorneqarsinnaapput katsorsarneqarsinnaallutillu.

6) Naalackersuisut allanik tassunga tunngassutilinnik saqqummiussassaqarpat?

Akissut:

Maanna Ph.d-mik ilinniartumit suliniut ingerlanneqarpoq, tassani nunatsinni meeqqat siutikkut aseruuttoornermi siutikkut imaarneqartarnerata sunniuteqaatai misissorneqarlutik. Ilisimatusarnerup inerneru ingerlaavartumik malinnaaffigineqarput. Tamatuma saniatigut ukiuni kingullerni suliaasaqarfimmi ilisimatusarnikkut misissuinerit arlallit ingerlanneqarput. Kalaallit Nunaanni meeqqat siutimikkut ajoqtillit pillugit atuagassiat marluk ilanngullugit nassiunneqarput.

Inussiarnersumik inuullaqqusillunga
Med venlig hilsen


Martha Abelsen